

# 超像自拍 HTC Desire 826



**H** HTC Desire系列更新頻繁，今次呢部826比起上代改進甚多。前置鏡頭用上HTC獨家Ultra Pixel技術，以往旗艦機M7、M8先用嘅，今次中階價就玩到，可說是HTC自拍神器。另外亦用上S615 64bit八核處理器夾晒Android 5.0，操作明顯比上代流暢。屏幕解像度亦由720p提升到1080p，加埋中港4G都通嘅雙咭雙待，除咗機身稍厚外，可說是近期標青中價機。

**Spec.**  
 Android 5.0 · 八核處理器 · 5.5" 1080p屏幕 · 1,300萬像素主相機 · Ultra Pixel前相機 · 158×77.5×7.99mm · 183g  
 售價：\$3,398  
 查詢：HTC (3077 5588)

# 時尚擴音 HiFiMAN EF100

**音** 響界邁向HD世代，用電腦或手機都可聽到好source，發燒級音響品牌HiFiMAN就覺得amp都可變得輕巧時尚。EF100具有三組獨立放大線路，前級放大線路入面仲有支6N3J真空管，聲甜樣正。輸入方面可用USB駁電腦、RCA駁音響、3.5mm駁手機。輸出方面，駁耳機可達2W，駁喇叭每聲道輸出亦達4W。用途廣泛，體積同Mac Mini差唔多，最啱擺喺書枱玩CAS。

**Spec.**  
 頻率響應20—20kHz · 耳擴輸出2W@32ohm · 擴音機輸出4.5Wx2@4ohm · 200×200×90mm · 2.2kg  
 售價：\$3,780  
 查詢：DMA (3971 0242)



# 自主調音 Cypher Labs C6iem



**高** 端耳機市場百花齊放，又有一個新名字發燒友要記住。美國品牌Cypher Labs擲出耳擴，近日推出第一款監聽式耳機C6iem。但採用三動鐵單元，變頻器設計令用家可以調校高音、低音輸出，自主調節音色。另外利用3D印刷碳纖維機殼及自家設計嘅形狀記憶線材，都為這款耳機新貴增添個性。外國網評headfonia覺得佢比得上IE800，愛嘗新耳機迷要留意。🎧

**Spec.**  
 三動鐵單元 · 頻率範圍20-18,000Hz · 阻抗36.2ohm@1kHz · 靈敏度120.29dB@1kHz · 10g  
 售價：\$4,998  
 查詢：King Sound (3586 0201)